

EX JURE PUBLICO  
de  
**POTESTATE  
IMPERATORIS**  
CIRCA CONCESSIONEM  
PRIVILEGIORUM,

publicè differendo  
**Demandatum sibi munus Professorium**

*ad d. 9. Septembris*

Bonô cum Deô solenniter auspicabitur

**IO. IACOBUS MOSER,**  
J. U. D. EJUSDEMQUE PROFESSOR PUBLICUS  
EXTRAORDINARIUS,



Respondente

**LUDOVICO ACHATIO MOHR, Chazropolitano.**

---

TUBINGÆ,  
Excudit *Josephus Sigmund.*  
MDCCXX.

2.



*SERENISSIMO atq; POTENTISSIMO  
PRINCIPI AC DOMINO,*

**DOMINO**

**EBERHARDO  
LUDOVICO,**

**D. G. DUCI WURTEMBERGIÆ ET  
TECCIÆ, COMITI MONTISPELIGARDI,  
DYNASTÆ IN HEIDENHEIM. ETC.**

**S. CÆSARÆ MAJESTATIS, S. ROMANO-GERMANICI  
IMPERII, ATQ; INCLYTI CIRCVLI SUEVICI GENERALI  
CAMPI MARESCHALLO, NEC NON TRIUM LEGIO-  
NUM EQUESTRIUM ATQ; PEDESTRIUM  
CHILIARCHÆ.**

**ETC.**

**ETC.**

**PRINCIPI AC DOMINO MEO  
LONGE CLEMENTISSIMO,**

INAUGURALEM DISSERTATIONEM  
HANCCE MEAM  
TANQUAM  
FIDEJUSOREM CHARTACEUM  
ANIMI AETERNUM GRATISSIMI ATQUE  
DEVOTISSIMI  
SISTO,  
EJUSDEMQUE PRINCIPALI  
GRATIÆ  
CUM VOTO CALIDISSIMO  
PRO  
PERENNI AUGUSTÆ DOMUS FELICITATE  
ATQUE  
INVIDENDIS PRORSUS EJUS RERUM SUCCESSIBUS  
MEMET PROPORRO  
QUAM POSSUM HUMILLIME ITERUM ITERUMQUE  
COMMENDO.

IO. IACOBUS MOSER.



DISSERTATIONIS  
DE  
POTESTATE IMPERATORIS  
CIRCA CONCESSIONEM PRIVILEGIORUM  
CONSPECTUS.

- §. I. De Jure Romano is tantum Privilegia dare potest, qui Leges universales condere.
- §. II. Secus est in Imperio R. G. in quo Leges universales ferunt Imperator & Status simul.
- §. III. Privilegia vero Imperator solus potest concedere.
- §. IV. 1. Quia hoc ipsi nullibi interdictum est.
- §. V. 2. Quia certi tantum casus in Imperii Legibus eximuntur.
- §. VI. 3. Quia in iisdem Imperatori hoc diserte adscribitur.
- §. VII. 4. Quia Observantia Imperii id secum fert.
- §. VIII. Imperatori Jus universalium Privilegia largiendi privative competit.
- §. IX. Imperator concedit Privilegia vel immediate Ipse, vel mediate per alios.
- §. X. Exempla Privilegiorum personalium ab Imperatore indulgeri solitorum.
- §. XI. Persona quibus tribuuntur, quamam esse debeant?
- §. XII. Exempla realium Privilegiorum Imperatoriorum.
- §. XIII. Exteris quam talibus Privilegia realia concedere nequit Imperator.
- §. XIV. Potest quoque scribere Privilegia odiosa.
- §. XV. Nisi tamen quoad ea restricta sit Ejus potestas.
- §. XVI. Effectus Privilegiorum Impera-

- peratoriorum extendit se per omnes Gentes moratiores.
- §. XVII. Princeps subito suo ab Imperatore Privilegio mactō interdicerē nequit, ne Privilegiō suō utatur.
- §. XVIII. Privilegia Imperatoris effectū destituuntur si sint contra Leges Imperii, aut Jura Statuum.
- §. XIX. Sex modis & gradibus restricta est Imperatoris potestas circa concessionem Privilegiorum.
- §. XX. 1. Servare debet quadam modum (a) in largiendis Privilegiis, quae in praedictum Imperii, Statuum vel tertii vergere possent.
- §. XXI. (b) In dandis Privilegiis de non appellando, non evocando, Electionis fori. &c.
- §. XXII. (c) In Collatione majorum Dignitatum.
- §. XXIII. 2. In scribendis Privilegiis circa modum concedendi observare debet: (a) ut expediantur in Cancellariā Imperii.
- §. XXIV. (b) Prius non valeant, quam redempta fuerint à dicta Cancellariā.
- §. XXV. (c) Et quidem intra tres menses.
- §. XXVI. (d) Praeter hac Privilegiū super teloniis tradi non debet antea, quam reversales literae reddantur.
- §. XXVII. 3. Impetrare debet consensum Electorum in indultu Juris Stapula.
- §. XXVIII. 4. Accedat necesse est approbatio Electorum, auditis quoque certis Circulis, (a) in concessione novi vel antei vestigialis.
- §. XXIX. (b) In tribuendō Jure cudenda moneta.
- §. XXX. 5. Omnes Status consentire debent in Privilegium Exemptionis vel Moderationis.
- §. XXXI. 6. Prohibetur dare Privilegia, in genere (a) exorbitantia.
- §. XXXII. (b) Contra antiquiora Statuum Privilegia.
- §. XXXIII. In specie (a) circa Monopolia.
- §. XXXIV. (b) Exemptionis à Vestigialibus.
- §. XXXV. (c) Exemptionis subditorum à potestate Principis & oneribus.
- §. XXXVI. (d) Dignitatum, Titulorum & Insignium, vergentium aliorum in praedictum.
- §. XXXVII. Dissertationi finis imponitur.

## §. I.

**P**rivilegia cujuscunque generis concedendi facultas Jus Civile Romanum si respicias, pars est potestatis Legislatoriæ, & non, nisi ei competit, qui & universales Leges condendi jure gaudet; (a) cujus ratio facillè patet, quia scilicet Privilegium est exemptio à Jure communi ex speciali æquitate, ob quam generalior temperanda videtur, concessa. Jam verò, qui eximitur à Jure communi, is illi omnino derogat, immò, dum à communis Juris vinculo quem solvit, novam Legem, & quidem universalem condit, cum ad ejus observantiam perinde ut ad aliarum Constitutionum generalium, teneantur omnes concedentis subditi, ita scilicet, ne quisquam Privilegiato in usu sui privilegii sit impedimento, & Privilegium Jus singulare dicatur non eorum respectu, qui eodem obligantur, quasi quædam atque singulares modò personæ illò stare tenerentur, sed respectu ejus, cujus in favorem id est indultum, & qui utilitatem atque commodum inde percipit, (b) & hinc talem, qui Privilegium rei vel personæ tribuere cum effectu voluerit, Jus commune statuminandi potestate instructum esse debere naturalis ratio suadet atque dicitur.

## §. II.

Aliter tamen hæc se habent in Imperiò nostro Romano-Germanicò, quippe in quò Leges universales ferendi facultas minimè pendet ex solò Augustissimi Imperatoris arbitrio, sed vel Ipsò hoc fatente (c) & quotidianà praxi atque Observan-

(a) Vid. quem honoris causâ nominamus, Magnificus Præceptor nostro, Dn. ERNESTUS THEOPHILUS MAJER in solidâ Juris Civilis editione refertò *Comment. ad Inst. Tit. de J. N. G. & C. §. 1. p. m. 34.*

(b) Distinctè rem proponit JOACHIMUS HORRIUS in *Comment. ad Inst. l. c. T. 15. c. p. m. 36. not. 1.*

(c) Cujusmodi loca suppeditat Ill. Dn. GABRIEL SCHWEDIA, (quem in hoc studiorum genere habuisse Præceptorem inter præcipuos meos felici-

ciâ illud ipsum attestante, vi Legum ejus fundamentalium (a) in hoc negotiô cum Imperatore concurrunt quoque Status Imperii, (b) vel in Corpore in Comitibus, vel, qui certis in casibus hoc repræsentant, (c) Electores, aut ex Ordine Statuum ad id deputati

citates connumero) in *Introd. in Jus Publ. Part. Spec. Sect. I. Cap. 25. §. 2. p. m. 554.*

(a) Vid. ex. gr. *Instrum. Pac. Cesar. Suevic. Art. VIII. §. 2. ubi: Gaudeant (Status) sine contradictione jure suffragii in omnibus deliberationibus super negotiis Imperii, præsertim, ubi Leges ferenda vel interpretanda* - - nihil horum aut quicquam simile posthac unquam fiat vel admittatur, nisi de Comitibus liberoque omnium Imperii Statuum suffragio & consensu. &c. Novissimâ quoque in Lege Imperii Fundamentali, Augustissimi Imperatoris CAROLI VI. (quem Deus servet!) *Capitulat. Art. 2. de hoc ita disponitur: Dieselbe (Leges Imperii) mit consensu Churfürsten / Fürsten und Ständen / wie es die Reichs-Gelegenheit jeder Zeit erfordert / besseren / keines Weges aber ohne Churfürsten / Fürsten und Stände auff Reichs-Tagen gleichmäßig vorgehende Bewilligung ändern / vielweniger neue Ordnungen und Gesetze im Reich machen / noch allein die Interpretation der Reichs-Sagung und Frieden-Schlusses vornehmen / sondern mit gesamter Ständen Rath und Vergleichung auff Reichs-Tagen damit verfahren / zuvor aber darinn nichts verfügen noch ergehen lassen. &c. Et Art. 10. Und andere Gesetz und Ordnungen / so jezo gemacht / und künfftig mit der Chur-Fürsten / Fürsten und Stände Rath und Rathun möchten auffgerichtet werden.*

(b) Eruditè hoc pro more demonstrant III. Dn. SCHWEDER l. c. & Magnificus Præceptor atque Hospes noster Dn. MICHAEL GRASS in doctissimarum *Collat. Jur. Civ. Rom. cum Receptis. Imp. Rom. Germ. Sect. I. p. m. 10. §. 99.*

(c) In conciliandis scilicet Imperatorum Capitulationibus: Eos enim totius nomine Imperii cum noviter Eligendo pacisci, videre est & ex Augustis: CAROLI VI. *Capitulat. præm. ubi: Daß Wir uns demnach aus freyem gnädigem Willen mit denselben Unsern lieben Neven / Brüdern / Oheimben und Chur-Fürsten / vor sich und samtlüche Fürsten und Stände des Hell. Röm. Reichs, &c. Elße verò*



putati atque selecti, (a) adeò, ut Statuum consensu voluntati Imperatoris non accedente, neque Imperator, neque Hoc dissentiente Status possint procedere, Legemque valituram scribere. (b)

## §. III.

Quocum verò ita comparatum esse utut certò sit certius, Imperatorem tamen inconsultis atque ignorantibus Imperii Statibus, vi Juris Majestatici Ei servati extrà Comitìa quoque cujuscunque generis Privilegia regulariter liberè posse concedere, & vel Res vel Personas universalium Legum vinculo eximere, (c) tradunt publici Juris nostri Doctores unò ore omnes, (d) & quidem ex verò, ceu vel ex hisce rationibus satis superque constat.

## B

## §. IV.

Capitulationes Leges Imperii Universales, immò Fundamentales, quis est, qui dubitet?

(a) Quorum Conventus epitome quædam Comitiorum dicuntur, & in iis statuta eodem modo obligant, ac si singuli Status consensissent. Faciunt enim id *Wor sich und die übrige Stände*: hujusmodi Recessuum Subscriptionibus fidem nobis facientibus. Vid. AHASVERUS FRITSCH in *Tr. de Conventib. Deputator. Imper. Ordinar. Cap. 7. §. 1. n. 3. sq. p. m. 96.*

(b) Inspice, quos nominavimus in *Dissert. nostrâ, de Jur. Exeqn. in Imp. Cap. 2. §. 5. not. 2. p. 18.* fusius hanc telam pertextentes Juris publici Doctores celeberrimos.

(c) Hinc Fridericus II. Imp. in formulâ de Jure ac privilegio Regis in Imp. de fulgore, inquit, *Throni Casarei velut ex Sole radii, ita cetera prodeunt dignitates, ut prima lucis integritas minorati luminis non sentiat detrimentum*, quæ verba ex MELCHIORIS GOLDASTI *Tom. un. Constitut. Imper. p. 505.* refert AUTOR *Statusf. Reipubl. Imp. Rom. Germ. Tom. II. p. m. 48.*

(d) Nolumus jam eorum nomina atque loca chartæ, cui parcimus, allinire, cum, quodcunque publici Juris Compendium vel Systema, aut de Imperatore Ejusque Reservatis scriptum evolveris, ingentem id tibi præbiturum sit hæc sententiam tenentium farraginem.

## §. IV.

Primò (a) nullâ in Lege Imperii publicâ ullibi cautum, aut Eiusdem Observantiâ stabilitum legitur, quod non, nisi accedente Statuum consensu, aut Eorum saltem præscitu, Privilegiis mutare quoscunque libuerit, Imperatori liceat: quicquid verò non est prohibitum, cur stare illud ipsum nolimus præsumere? cur licitum id esse absque ratione negemus? præsertim, cum secundum saniora Juris publici principia Imperatori salva sint omnia Jura, & quæcunque peragendi integra potestas, nisi vel per Capitulationem, vel per alias Imperii Leges atque Constitutiones, ad quas Regimen normare Suum Is tenetur, illa ipsa sit restricta, aut hinc inde positi limites. (b)

## §. V.

Secundò, dum paucis modò in casibus (c) circa Privilegiorum Juriumque singularium concessionem Imperatoris arbitrium noluerunt esse illimitatum Status Imperii, eosdemque nominatim passim exceperunt, fatentur utique eò ipsò, nullis de reliquò circa hoc punctum cancellis voluntatem Augustissimi Imperatoris esse circumscriptam, cum exceptio firmet regulam in casibus non exceptis, & à sensu contrariò argumentum hinc optimè procedat.

## §. VI.

Tertiò (d) in ipsis publicis Imperii Legibus, illâque in specie

(a) Eodem argumentò hac in materiâ utitur quoque Ill. Dn. SCHWÉDER l. c. Cap. 10. §. 4. p. m. 369.

(b) Ita nos sentimus cum JACOBO LAMPADIO de Republ. Rom. Germ. Part. III. Cap. 13 §. 5. p. m. 142. & Cap. 16. §. 1. p. m. 169. JO. GEORGIO de KULPIS in Comment. ad Monzamb. Cap. 5. §. 37. P. II. p. m. 182. & in Position. Jur. Publ. Exerc. 2. §. 13. p. m. 25. Ill. Jo. FRIDERICO DE RHEZ in Instit. Jur. Publ. Libr. I Tit. 4. §. 62. Ill. Dn. NICOLAO CHRISTOPHORO Lib. BARONE de LYNCKER de Consens. Electoral. lib. 3. aliisque.

(c) De quibus agemus infra §. 18. & seqq.

(d) Conf. Ill. Dn. SCHWÉDER l. c.

specie, quâ potestati Imperatoris Augustissimi certi quidam termini assignantur, Capitulatione scilicet, ab Imperii Electoribus, (qui ut antè (a) diximus, non Suo solum, sed & reliquorum Principum & Statuum Imperii nomine ibi paciscuntur atque verba faciunt) Jus hoc Imperatori Augustissimo verbis disertissimis iteratis vicibus adscribitur. (b)

B 2

§. VII.

(a) §. 1. not. 4. pag. 8.

(b) Divi CAROLI VI. *Capitulat. Art. 22.* Bey Collation Fürstlich und Gräfflicher / auch anderer Dignitäten sollen und wollen Wir Zeit Unserer Königlich und Kayserlichen Regierung dahin sehen / damit inskünftig auff allen Fall dieselbe allein denen von Uns ertheilet werden. &c. Eod. Sollen und wollen auch in fleißige Obacht nehmen und verschaffen / daß alle die Expeditionen / so in Gnaden und andern dergleichen Sachen / insonderheit aber Diplomata über den Fürsten, Grafen und Herren Stand / auch Nobilitationen / Palatinaten, und Kayserliche Raths Titulen / samt andern Freyheiten und Privilegien / welche Wir unter dem Nahmen eines Römischen Königs oder Kayfers ertheilen werden. &c. Eod. So dann daß über die Kayserliche Concessionen der Privilegien / Stands Erhöhungen und andere Gnaden. &c. Eod. Von obgedachten Kayserlichen Concessionen der Privilegien / Stands Erhöhungen und anderer Gnaden. &c. Eod. Wir sollen und wollen auch / daß denen so von Uns dergleichen Begnadigungen inskünftig erlangen. &c. Conf. & *Ejusd. Art. 8. 9. 10. 11. 12.* &c. in quibus omnibus soli Imperatori hoc Jus adscribitur & ab hoc concessâ Privilegia inter justos Titulos aliquid habendi vel non habendi connumerantur, nullibi verò Electorum Statuumve concursus aliqua fit mentio, nisi exceptis illis in casibus, de quibus §. 19. & 199. Et quid in re clarâ demonstrationibus optis est! Inspiciamus saltem *Recess. Imper. Noviss. de A. 1654. §. 115. ubi:* Und siehet diesem nachst fünff tens / bey des H. Reichs Chur-Fürsten und Ständen samt und sonders über ihre uff eine gewisse Summa habende und hergebrachte Privilegia de non appellandò deren fernere Erhöhung / bey Uns als Römischen Kayser / von deme diese und andere dergleichen Begnadigungen herrühren / in so weit gebührend anzuhalten und nach Gestalt samt der Sachen Umständen Unserer Resolution und Verordnung darüber zu erwarten.

## §. VII.

Denique & Quartò omne dubium eximit notoria & indè à primis Imperii Romano-Germanici incunabulis per tot Sæculorum decursum in hunc usque diem continuata praxis atque Observantia Imperii : quæ omnia æquâ lance si pensites, dicendum est omninò : negare velle hoc Imperatoris Reservatum, esse profiteri aut summam Notitiæ Status Imperii nostri publici ignorantiam, aut crassam & vix condonandam oscitantiam.

## §. VIII.

Concedit ergò Imperator secundùm hætenus allata regulariter liberè omnis generis Privilegia, &, quod singulare est, atque omninò fortissimum pro adstruendâ Augustissimi Imperatoris Majestàte in Imperiò argumentum, (a) solus atque privativè, adeò, ut neque omnes in universum Imperii Status, etiam in Comitibus congregati, & ut unum Corpus considerati, multò ergò minus Singuli, licet Potentissimi, (nisi per Privilegium id habeant ab Imperatore) valitura per universum Imperium, immò Orbem moratiorem omnem hujusmodi Privilegia scribere atque indulgere queant. (b)

## §. IX.

Largitur autem Imperator Augustissimus Privilegia vel Ipsemet immediatè, quod consuevit fieri in Collatione Dignitatum majorum aut insigniorum Jurium, rarissimè in minoribus, e.g. Creatione Doctorum, Poëtarum, &c. cujus tamen etiam exempla quædam prostant; (c) vel mediatè Ejus nomine hæc conferunt, quibus ut benemeritis his afficerent, Imperator indulget, quod plerumque sunt

(a) Idem agnoscit HENRICUS SAMUEL ECCHOLD *de Jur. Majest. Imp. R.G. in Regn. Germ. §. 28. num. 5.*

(b) Quod optimè observavit LAMPADIUS l. c. §. 6. p. m. 142.

(c) Vid. Ill. DN. SCHWEDER l. c. Cap. 7. §. 14. p. m. 325.

sunt Comites Palatini, quorum potestas (a) subsistit in distributione honorum inferioris generis. Habent hoc tamen Familiæ quædam Serenissimæ ex Imperatoris Augustissimi Privilegiô, ut etiam in Comitum Classẽm quem possint evehere, (b) quamquam de actuali Privilegii usu mihi non constet.

### §. X.

In exercitium verò hoc Jus Suum deducit Imperator Augustissimus vel quoad Personas, vel quoad Res. Quoad Personas, quando ex. gr. Archi-Ducis, Magni Ducis, Marchionis, Principis, Landgravii, Burggravii, Comitis Principalis, Comitis, Baronis, Banneressii, Equitis, Nobilis, Comitis Palatini, Doctoris, Poëtæ, aliisque elogiis, Insignibus item & honoribus variis quem mactat. Porro quando Annis viginti quinque minoribus ætatis veniam, Debitoribus infortuniô ad incitæ redactis literas moratorias, Bibliopolis Privilegia impressoria, aliisque alia hujus generis plurima clementissimè indulget.

### §. XI.

Personarum, quæ ornandæ veniunt hujusmodi Privilegiis, qualitates itidem Imperatoris æstimio sunt relictæ, qui prout id vel merita, vel salus Reipublicæ, aliæve Circumstantiæ poscunt atque suadent, & indigenas & externos (c) & masculos

B 3

& for-

(a) De quâ integros Tractatus & Dissertationes concessere SAGITTARIUS, Præside FOMANNO, MUNDIUS, PITHORIUS, REINESIUS, SCHUBARTUS, SAHME, & SCHILLINGIUS præside GRIENERO, de quibus singulis egit Excell. Dn. BURKHARDIUS GOTTHELF STRUVE in *Biblioth. Jur. Cap. 14. §. 96. p. m. 867. 868.*

(b) Ill. Dn. SCHWEDER *l. c. §. 4. p. m. 316.*

(c) Exempla rei vide apud EUND. *l. c. §. 3. p. m. 315.* & cit. AUTOREM *Reipubl. Germ. l. c. p. m. 51.* Adde tamen Augustissimi CAROLI VI. *Cæpitulat. Art. 22. & infra §. 22.*

& foeminas, (a) Clericos & Laicos, Cives, Membra, Vassallos atque Subditos Imperii immediatos mediatosque, alios denique, commeritis præmiis condecorare solet.

### §. XII.

Concedit verò Imperator Augustissimus & 2. Rebus (cum quibus pari passu ambulant, quæ Collegiis dantur & Universitatibus) Privilegia ex beneplacito, v. gr. Academiæ fundationes firmando, vitamque & spiritum iis attribuendo per Jura docendi præmiaque literaria diribendi, quæ vel plenariè iis aut ex parte, prout Ei fuerit libitum, elargitur, concedendò item Jus habendi Nundinas, quas ob varia, quæ aliis præstant, Jura singularia dicunt solenniores, dando quoque Jus extruendæ Civitatis, cætera.

### §. XIII.

Cùm verò Imperatorem etiam Personis Suæ potestati non subjectis cum effectu largiri Privilegia posse paulò ante (b) viderimus, num & id procedat quoad res vel universitates exterorum? si ex nobis quæras, affirmare illud dubitamus haud immeritò. Nam si ex. gr. in quadam Galliæ Regi subditâ Civitatè Imperator Academiæ constituere præsumeret, aut nundinarum solennium Jus eidem vellet indulgere, nescio quâ fronte excepturus esset isthanc Imperatoris liberalitatem Rex Galliarum. Et sanè videntur eò lædi Jura Majestatis & Superioritatis exterorum, cùm secundum Principium suprâ (c) positum, Privilegia sint Leges, & quidem Universales, ut adeò in alienò Privilegia largiens supponat quoddam in Civitatem saltè illam dominium

(a) Plenius hac de re edisseruit Ill. Dn. Jo. PETRUS à LUDEWIG in *elegantia Dissertat. de Differentiis Juris Romani & Germanici in Dignitate Uxoris vsm R. nobil. Adel.* Halæ 1718. 4. & in *Ejusdem Opusc. miscell. Tom. I. p. m. 1147. sqq.*

(b) §. 10.

(c) §. 1. pag. 7.

um, dùm servandas ab omnibus Leges singularium universitatum gratiâ scribit. Equidem hæc ratio militat & contrâ Jus indulgendi vel Personis exteris Privilegia, nec apparet ulla differentiæ ratio: interim tamen mores Gentium atque praxis hæc ita servant atque distinguunt, quæ inde & nobis est standum. Denique & Privilegia rebus vel Universitati tributa, cùm rei in æternum cohæreant, & ad quosvis possessores transeant, utique in majus Domini præjudicium vergunt, quàm personalia vel horum cum Personis ipsis, vel eorum saltem posteris expiratura.

#### §. XIV.

Num verò Imperator Augustissimus scribere quoque possit ejus generis Privilegia, quæ dicuntur odiosa? quaeritur, variasque dubitationes, sive in sententiam affirmativam, sive in negativam propendeas, patitur: pugnabimus nos tamen pro priori, quia sive Privilegium odiosum dicas, quod aliorum respectu favorabile, aliorum verò poenale est; sive pro odioso capias, quando in exemplum ordinariâ gravior poena irrogatur, umbræ sunt modò, quæ obijciuntur, in auras mox cum halitu evanescentes. Prioris generis Privilegia enim Augustissimus Imperator quod toto die concedat, & de jure quidem est indubium, (a) idque sine gaveris, negaveris mihi Solem in meridie, quod verò & posterioris generis Privilegia, ubi iustas causas, ubi rationes fonticas subesse deprehenderit, possit scribere, convenit cum Eiusdem Majestati cõsummi in Imperiõ Judicis Officiõ, normandò ad Observantiam Imperii, atque excelssimum, quod in Or-  
be

(a) Omnibus enim ferè Privilegiorum Codicillis subjuncta legitur clausula: ne quisquam privilegiatum in hoc Juris sui exercitiõ turbet sub poenâ, quæ ex arbitriõ Imperatoris pro gravitate rei determinatur. E. g. quinquaginti marcarum Auri puri, quarum à transgressore emundatarum pars dimidia Fisco Imperatoris, altera laeso cedere debeat.

be moratori tenet Imperator Augustissimus, culmen, præfertim cum non contra Legis mentem atque sensum, sed modò præter eum absque fraude Legum ita iudicet, & id ipsa Justitiæ natura publicæque rei salus sæpius efflagitet. (a)

### §. XV.

Supponendi tamen sunt termini habiles, id est, cò solum usque potest procedere in tribuendis Privilegiis hujusmodi odiosis Imperator Augustissimus, quò usque Leges Imperii diserte id non interdiciunt Eidem. Ita ex. gr. ad Bannum aut suspensionem à Sessione & Voto in Imperii vel Circuli Comitibus id protere nequit, cum, Se non, nisi Votis Statuum omnium antecedentibus hoc suscipere velle juratò in Capitulatione (b) promiserit Imperator.

### §. XVI.

Effectus Privilegiorum ab Imperatore indultorum extendit se per universum, quæquæ patet, Imperium Romano-Germanicum, immò talia Privilegia dicuntur esse Juris Gentium, idè scilicet, quia apud Gentes Europæ cultiores eadem jura tribuuntur, idemque honos exhibetur rebus vel Personis ab Imperatore Privilegiò mactis, quæ tribuuntur atque exhibentur iis in Imperiò nostrò. E.g. Evecto ab Imperatore in Classè Comitum non in Germaniâ solum, & quæ hujus imperio parent Provinciis locus erit inter Comites, verum & in Galliæ, Hispaniæ, Lusitanæ, Magnæ Britanniæ, Daniæ, Sueciæ, Poloniæque Regnis, Moscoviæ & Italiæ Provinciis, atque Rebus publicis Hollandicâ, Helveticâ, Venerâ, Gemuenli, Luccensi, &c. Pariter scriptum aut signatum à Notariò Imperato.

(a) Et dum in genere Jus Privilegia in Imperio concedendi Imperatori Juris publici Doctores vindicant, utique nec odiosa excludunt.

(b) Inspice Augustissimi CAROLI VI. Capitulat. Art. 20. vers: Wir sollen und wollen auch in Acht und Oberacht stehen, &c.



ratoriâ autoritate creatò Instrumentum regulariter absque dubiò valebit in universò Orbe moratori, & solenniter renunciatus in firmatâ ab Imperatore Academiâ Doctòr pro tali ubique locorum atque terrarum reputabitur.

§. XVII.

Anne verò licebit Principi aliive Statuum Imperii, si subdita Eidem persona vel universitas Privilegiò, quod Suum in præjudicium non vergit, ornetur ab Imperatore, interdicere huic, ne jure hoc suò prius utatur, quàm & Suum consensum Is addiderit? Nos sanè arbitramur, quod non liceat: (a) cùm enim ex antea monitis Imperatori Privilegia pro lubitu indulgendi potestas in Imperiò absque dubio competat, ex hujusmodi Privilegiò jus mediato quæritur, quod ne ipsùm quidem Principem posse tollere, naturale jus & æquitas monet. Præterea

G

NON

(a) In contrarium abie Ill. de Kulpis l. c. p. m. 184. & per ejusmodi prohibitionem nec Imperatori Jus Suum diminui, nec e.g. nobilitatis privilegium in universum privilegiato denegari, sed illorum saltem, quæ à territorio præsentì dependent, actualem usurpationem ad certam conditionem utilitati publicæ innixam, suspendi censet. Verùm enim verò hæc planè nobis non satisfaciunt. Qui enim Jus Imperatoris non diminui potest dici, cùm in arbitrio Statûs ponitur, num Privilegium Imperatoris ad effectum tradaci Is voluerit? & qui non denegatur privilegiato nobilitatis privilegium, cùm in locò, ubi vivere consuevit, ubi lares atque domicilium fixit, eodem uti prohibetur. Nec hîc sufficit exceptio utilitatis publicæ; hæc enim alia satis commodâ viâ potest servari atque procurari, scilicet agendò ad præscriptum Capitulationum, præsertim modernæ, quæ in additâ nunc demùm (V. Nobilis Dn. de Zeca gegenwärt. Verfass. der Kays. u. k. Regierung in Teutschl. ad d. Art. nos. c. d. p. m. 174. 175.) Clausulâ disponit: Wie dann / wo ein und anderer Stand ersichtlich darthun würde / daß er gegen solches (Jus Territoriale) biß daher gravirt / und an seinen Gerechtsamen durch neue Stands- Erhöhungen beeinträchtigt worden / derselbe mit seinen habenden Beschwerden / genügend gehöret / und das unbillig vorgegangene geändert und abgestellt werden solle.

non id cuiquam Statuum Imperii unquam fuit integrum, reali ejusmodi virgulâ censoriâ ut notaret actiones Imperatoris, & re ipsa judicem Hujus Semet constitueret, cùm hoc foret summa miscere imis, membra suprà Caput extollere, & eò denique redigere Majestatem Imperatoris Augustissimi, ut multis planè parafangis eam post se relinqueret etiam Venetiarum Genuæ Ducis autoritas restrictissima.

### §. XVIII.

Cavetur tamen publicis Imperii Constitutionibus, ne in vim Legis abeant, aut ad eorum observantiam teneantur Status alii-que Imperiò subditi, sed sint ipsò Jure nulla, cassa atque irrita ea Imperatorum Privilegia, quæ vel contrà expressas Imperii Sanctiones, vel contrà Jura Statuum sunt indulta, (a) etiamsi addita fuerit clausula: de plenitudine potestatis Imperatoris; hæc enim ibi tantum operatur, ubi hæc plenitudo potestatis nullis circumscripta est limitibus, hûc verò ea quò minus se extendat, pacta cum Imperii Statibus per Capitulationem inita gravissimè obsunt.

### §. XIX.

Scilicet ita est quidem, uti mox ab initiò evicimus, regulariter Imperator pro lubitu potest indulgere cujuscunque generis Privilegia: excepti tamen leguntur in Imperii Legibus casus quidam, in quibus non planè absolutum Status voluerunt esse Imperatoris Augustissimi arbitrium. Gradus eorum sunt sex: aut enim 1. relicta quidem est Imperatori facultas Privilegia ex voluntate concedendi, monita tamen quædam adduntur, quæ, ut observet, Status Eundem hortantur; quod si verò contrà hæc agat, non ea tamen propter actus sit nullus: aut 2. itidem pro lubitu largiri potest Privilegia, adstrictus tamen est ad servandas in modo ea expediendi Leges quasdam

(a) Conf. §. 30. & seq.

dam, ita, ut aliter non valeant: aut limitata est hæc Ejus facultas, ita, ut 3. vel Electorum, vel 4. Horum, insuper auditis quoque certis Imperii Circularis, vel 5. planè omnium trium Senatus Imperialis Collegiorum suffragium atque consensus prius debeat accedere, quàm certi generis Privilegia possit tribuere: aut denique 6. aliqua scribere planè prohibetur.

## §. XX.

Primam Classem esse diximus, quando circumscribere limitibus certis facultatem Imperatoris indulgendi Privilegia noluerunt Status, ut verò Sua observare velit monita, exoptant, ita tamen, ut, si ab iis recedatur, non reddantur irrita ejusmodi Privilegia. Et huc referendum, quando monent Status I. ut paternâ curâ caveat atque prospiciat Imperator Augustissimus, ne in genere scribantur ejus generis Privilegia, quæ occasionem olim subministrare possent subducendi se ab Imperii Jurisdictione, aut eandem vel Statuum Privilegia antiquiora saltem imminuendi, aut jus tertii lædendi. (a) Ratio moniti in promptu est: Scilicet est & ex re Imperatoris Augustissimi, ut à dandis talibus Privilegiis Sibi temperet, ne cùm Imperio, Statibus aut tertio aliquando fiunt damnosæ, ea rescindi eòque lædi Majestatem & auctoritatem Imperatoriam sit necesse; est verò & ex re Imperii Statuum atque Tertii, qui integram suam causam servare malunt quam post eam vulneratam demùm eidem quaerere remedium. Quod si tamen actu tale Privilegium Augustissimus Imperator indulserit, illud tamdiu subsistit, quamdiu eò Imperium, Status aut Tertius quidam non gravatur, quia tùm demùm ea fiunt irrita, si actu, non si potentiâ tantùm, subsit gravamen.

## §. XXI.

Idem dicendum est, quando 2. promittit Imperator in specie  
C 2 par-

(a) Vid. Augustissimi Caroli VI. Capitular. Art. 18. verbis: In Ertheilung aber der jetzt gemeldter Privilegiorum. &c.

parcius Se usurum Jure tribuendi Privilegia *a*] de non appellando, *β*] non evocando *γ*] electionis fori, *δ*] Austregarum, *ε*] & similia, (*a*) ne scilicet, quæ ipsa ratio ibidem redditur (*b*) aut, Jurisdictio Imperii excludatur vel imminatur saltem, aut ne in Statuum antiquiori Jure gaudentium, vel Tertiij cujusdam præjudicium aliquando vergant. Cæterum tamen hoc non impedire, quo minus Imperator quodcumque placuerit bene de Se meritos Privilegiis possit augere, satis cuius constare existimo.

### §. XXII.

Denique & *3*. spondet Imperator Augustissimus (*c*) Se in conferendis Principis, Comitis, aliisve sublimioris Gradus Dignitatibus & Elogiis Eorum modò rationem habiturum, qui Requisitis sequentibus sint instructi: *a*] ut præ aliis tantum meruerint fastigium, *β*] Suum in Imperiò domicilium fixerint, atque *γ*] tantis opibus viribusque polleant, quæ pro sustentandâ Dignitate possint sufficere. Factum id est absque dubiò eo fine ne vilescant splendidissima hæc nomina, tantò olim in pretiò apud exteros quoque semper habita, cum ad ea tam facilem esse adscensum pateat. Neque tamen, si contrà hæc faciat Imperator Augustissimus, Privilegium Status noluisse valere persuadere nobis possumus, cum, quam toties alibi adhibuere clausulam cassatoriam specialem, hic non subjecerint; & quæ de generali clausulâ cassatoriâ Capitulationibus insertâ tradunt publici Juris Doctores, talò satis firmò inniti nobis non videantur.

### §. XXIII.

(*a*) Sedem Loci ex parte præc. not. indicavimus, cui jam subjungantur tantum, quæ ibidem porro sequuntur: und nach Inhalt des Reichs-Abschieds de Anno 1654. &c. Ad quem verò provocatur hic Reversus Imperii novissimi locus est §. 116. qui verbotenus perpetuæ Capitulationis Projectio & ex hac Augustissimi CAROLI VI. Capitulationi primùm fuit insertus.

(*b*) Vid. not. *a*. pag. præc. positam.

(*c*) Consule dictæ Capitulat. Art. 11. bey Collation Fürstlich, und Gräflicher auch anderer Dignitäten &c.

## §. XXIII.

Secunda Classis est, cūm quidem itidem quibuscunque Rebus vel Personis voluerit Imperator Augustissimus Privilegia scribere, Eidem est integrum, ita tamen, ut ad Leges quasdam respicere Is teneatur in Diplomatum expeditione, quæ si non serventur, vim Legis Privilegia ista non accipiunt. Venit horum in censum: quod Privilegiolorum Imperatoriorum Codicilli scribi debeant in Imperii Cancellariâ, (a) quæ Moguntini Electoris curæ subest, quia scilicet, ex additis ibidem (b) rationibus a] ab antiquis indè temporibus observatum hoc fuerit nostrò in Imperiò, idemque β] conveniat cum Majestate Imperatoris & Imperii. Contra hoc verò si fiat, ipsò Jure nullum esse debere tale Privilegium, per subjunctam statim (c) cassatoriam clausulam Status caverunt.

## §. XXIV.

2. Quod vim nancisci suam Privilegium Imperatorum etiam ex Imperii Cancellariâ proditum prius non debeat, quàm ab illo, qui ornari eodem ab Imperatore meruit, solutâ certâ pecuniâ summâ, quæ Taxæ nomine venit, & pro diversis Dignitatum generibus atque gradibus variat, (d) id fuerit redemptum

C 3.

è di-

(a) Verba concepta novissimæ Capitular. vid. Art. 22. *Gollen und wollen auch in fleißige Obacht nehmen/ &c.*

(b) Wie solches von Alters herkommen/ auch unserer und des Reichs Hoheit gemäß ist.

(c) Vid. quæ ibi porro leguntur: *Wie dann in Krafft dieses &c.*

(d) Die erneuerte Tax. Rolle/ wie ins künfftig alle und jede Kaysersche Privilegia und andere Taxbare Brieffe bey der Reichs. Hof. Cambr. Tax. Amt taxiret werden sollen/ conscriptam Herhipoli An. 1659. die 6. Jan. exhibet SAMUEL STRYCKIUS in *Exam. Jur. fœd. Append. Num. V. a. p. m. 460. sqq.* Excell. Dn. JO. FRIDERICUS PFEFFINGER in *Vitriar. illustr. Tom. II. Libr. II. Tit. I. §. 22. not. a. p. m. 286. sq. aliique.*

è dictâ Imperii Cancellariâ. (a) Et quidem adeò strictè hoc debere servari prospectum est, ut ne ipsi quidem Imperatori Augustissimo liceat de statutâ Taxâ summâ aliquid remittere, cum inde damnum emergeret Electori Moguntino, tanquam Imperii Archi-Cancellario, iisque, quos sumptibus Suis ad ob-eunda in Imperii Cancellariâ munera necessaria sustentare Eundem oportet, quippe quorum reddituum pars hæc est non minima. (b)

#### §. XXV.

3. Et quidem fieri debet hæc redemptio intra tres menses, qui nostrâ ex sententiâ, eâque æquiori, nec Imperii Legibus contrariâ, demùm ex tempore insinuationis, non concessionis, currunt: atque computandi sunt. Si quis verò præterlabi sinat hunc trium mensium terminum, eosque intrâ Cancellariæ Imperiali pro redimendô Codicillô debitam pecuniæ summam offerre & solvere neglexerit, is non modò per expressam Sanctionem Imperii ab indultis Gratiis, Dignitatibus, Insignibus, Elogiis & similibus abstinere jubetur, verùm & si de factò huiusmodi quid usurpare præsumserit, ut contrâ eum implorantibus summa Imperii Judicia Fiscalibus Cæsaris decerni processus, & re probè discussâ poenâ animadverti debeat, (c) statuitur, quorum omnium rationem ex §. præcedenti Lector desumat.

#### §. XXVI.

Tribus hæc 4. unicò in casu adhuc superadditur aliud, scilicet hoc, ut si quando contingat, quod cuidam Statuum Imperii aliive impetratò desuper Electorum Singulorum consensu unanimi, & auditò prius Circulo, cui damnum inde posset oriri

(a) Confer, quæ post indicatum *not. c. p. præc.* locum Electores Statuum nomine addunt porrò: Und die Impetranten ehe und bevor sie &c.

(b) Spectant hûc verba paulò post priora subsequentiâ, quorum initium est: *Weilen auch dem Reichs-Cansley Tax Amt.*

(c) Vid. & hanc Constitutionem *l. c. vers. ult.*

oriri vel novum telonium largiri, vel vectigalia, quorum exactio jam antea de jure penes eum extitit, adaugere vel elapsò tempore prorogare placeat Imperatori, scriptum tamen hoc sine Diploma privilegiato ex Imperii Cancellariâ tradi prius haud debeat, quàm is reddiderit reversales litteras, quibus promittat, nolle se vectigal hoc noviter indultum vel prorogatum, aut priscum quoad augmentum exigere a) ab Electoribus Eorumque ß) Legatis, γ) Viduis & δ) hæredibus, (quando scilicet duobus hisce in classibus contentæ personæ vel ad capiendam hæreditatem vel ad emigrandum & figendos alibi lares atque domicilium telonia hæc transire necesse est) Electorum porrò ζ) Subditis, η) Ministerialibus, θ) aliove nexu junctis, ι) reliquisque personis à solutione ejus exemptis, horumque bonis atque fortunis, seque de reliquo quoque velle stare præscriptis in Privilegio Legibus. Rationem verò, cur soli Electores præ aliorum Principum & Statuum Imperii Clientibus & subditis hæc prærogativâ gaudere velint, atque vi Capitulationum debeant, inquirenti de MONZAMBANO verbis elegantibus sanè, in positâ infrâ Notâ (b) respondebimus.

### §. XXVII.

Tertiâ in Classe exceptorum casuum magis adhuc constringitur Cæsaris circa Privilegia concedenda potestas, cùm ad ferendum ejus generis Privilegium teneatur obtinere prius Electorum adsensum, & quidem ita, ut non sufficiat, id majori Eorum parti placuisse, sed unanimia atque separata Singulorum

(a) Ecce Legem ipsam in *Capitulat. noviss. Art. 8. vers. penult.* Auch sollen und wollen wir diejenige Stände.

(b) Ita verò ille *Cap. 5. §. 2. p.m. 221.* postquam de cò disseruisset, cur Jure suo Capitulationes Imperatori privativè præscribendi cedere nollent Electores? pergit: *Valde absurdos esse, qui Electoribus vitio ò valint vertere, quod emolumentis Suis plusquam ceterorum velificari sint visi; quasi isti soli communem hominum inclinationem teneantur exnere, quâ quilibet sibi proximus esse gaudet.*

rum Vota rem comprobantia requirantur. Unicus verò tantum est, quem Imperii Leges notant, hujus speciei casus, scilicet indultus Juris Stapulæ, einer Licent, Niederlage & similia (*a*), quem si Imperator Augustissimus Electoribus haud assensientibus concesserit, ea Imperii Statibus facultas est relicta, ut ab ejusmodi onere suos, quæ possint, viâ & modò, licet possint defendere (*b*), ad quod quid Electores Statusque permoverit sequenti §. dicendum occurret.

### §. XXVIII.

Quartâ in Classe non Electorum solum omnium atque Singulorum adprobatio præcedat oportet, quando Imperator Augustissimus scribere voluerit eò relatorum Privilegiorum Codicillum; Verum & audire prius is debet atque rationem omninò habere rationum & gravaminum, quæ & exhibebunt Vicini, quorum interesse poterit, & quæ exhibebunt Circuli, quibus inde damnum aliquod vel præjudicium grave imminere videtur. I. Occurrit hic Jus, ut telonia constituere de novò liceat, tribuendi, vectigalia prisca augendi, ad tempus modò concessa prorogandi, aut, ut perpetua fiant, efficiendi. (*c*) Immo cum jam Electorum adsensum Imperator impetravit, insuper tamen & de hoc debet prospicere, ne per novius Suum Privilegium lædantur antiquiora Statuum Jura & super eodem concessa Privilegia atque reditus (*d*). Rationes utriusque limitationis potestatis Imperatoriæ in Imperii Legibus passim expressæ, hæc sub sunt: *a*] quia nimio teloniorum atque vectigalium numero jam dudum satis superque oneratum est Imperium Romano-Germani-

(*a*) Huc faciens *Capitulat. noviss. Art. cit.* textus ita incipit: Dietweilen sich aber zürdt &c.

(*b*) Per expressam *l. c.* extantem dispositionem: auch (solle) einem jedwedem des Heil. Reichs Churfürsten &c.

(*c*) Inspiciatur iterum ipsa *CAROLINA Capitulat. Art. 8.* mox ab initio.

(*d*) *Conf. Ejusd. Artic. vers. 2.* Gleicher Gestalt sollen und wollen wir.



manicum tùm in terrâ, tùm & in fluminibus, & si nova amplius indulgerentur Statibus,  $\beta$ ] eò pessum planè darentur atque humi sternerentur, quæ quasi sunt anima nervique Reipublicæ, commercia, & sic  $\gamma$ ] gravissimè læderentur ipsi reliqui Status Imperii, Rhenani præcipuè Electores, quorum reddituum pars sanè magna sita est in perceptione fructuum ex commerciis & teloniis ad Se redundantium. Quid verò, si nihilò secius Imperator tales Codicillos scribi curet, liceat Statibus, paulò antè ( $\alpha$ ) fuit expositum.

### §. XXIX.

2. In simili cùm Monetam cudendi Jure condecorare quem placuerit Imperatori Augustissimo, ad Leges hujus Classis Se adstrinxit, præsertim cùm Imperii civibus mediatis indulgere hoc vel alia Juri huic similia aut majora adhuc Privilegia Is voluerit, ( $b$ ) quia  $\alpha$ ] facilè Imperatoria hujusmodi liberalitas in abusum trahitur, præsertim à mediatis, qui lucrum sæpius inde sibi quaerunt, quò fit, ut  $\beta$ ] vix amplius nummo, [qui si bonus sit, evehit commercia, ipsamque adeò Rempublicam, eandemque contrà, si sit malus, affligit maximè] habeatur fides. Adde &  $\gamma$ ] momentum aliud quoad mediatos; scilicet est indignum, ut hi iis juribus insigniantur, quæ carere adhuc debent multi Statuum, qui tamen veniunt in partem curarum, quas pro salute Imperii gerit Augustissimus; est & indignum, ut in iis Juribus, è quibus tanta Imperii Statuum libertas est conspicua, pari cum suo Principe vel Superiori passu ambulent subditi vel Landsassii; indignissimum verò omnium foret, quod si Jus hoc iis mediatis tribueretur, quorum superior ipsemet eodem non est condecoratus.

### §. XXX.

Quintum gradum atque Classẽ constituimus illam, quando

D

do

( $\alpha$ ) §. Præc.

( $b$ ) Textus est in Augustiss. CAROLI VI. *Capitulat. Art. 9. vers.* Wir sollen und wollen auch hinfuro.

do pactio Imperator Augustissimus Sese obligavit, velle Se prius, quàm immunitatum certarum copiam aliis faceret, expetere desuper omnium trium Imperii Collegiorum Conclusum atque applausum. Tale quid est, (a) cùm quis Statuum in quantò Suò matriculari gravatum Se prae aliis obtendit, & hinc petit ab Imperatore, ut vel planè vel ad tempus totum suum quantum ejusve partem Sibi remittat, quippe de quibus ut agatur vel in plenis Imperii Comitibus, vel in Diætiis, quæ à selectis ad id Statibus moderationum causa habentur, (b) facilè consensit Imperator Augustissimus, cùm hoc Ejus in favorem potius, quàm ad limitandam Ejus potestatem fuerit introductum, ne scilicet, cùm tantus eorum sit numerus, Suâ qui quotâ matriculari planè non sunt contenti, omnis Horum impetus in solum Eum fieret, &, dùm subvenire omnibus nequit, ne penitus deessent, qui ferrent onera Imperii, multorum animos à Se reddat alienos. Ratio pacti porro & hæc est, quia tardius hujusmodi in rebus proceditur in Comitibus, & ægrius à Matriculâ receditur, ut caveatur eò, ne dùm alii onere levantur, id accrescat aliis, qui & Semet ferè ultrà vires concurrere conqueruntur. Quodsi verò Imperator Augustissimus ita quem voluerit eximere, ut Sibi patriari detrahere, quod à communi massâ per hanc ipsam exemptionem decedit, nulla Lex vel ratio obest, quò minus id Eidem semper sit integrum.

### §. XXXI.

Sextus denique gradus & Classis est, quando Imperator promittit, velle Se planè abstinere in genere à concedendis Privilegiis & Immunitatibus I. exorbitantibus (c), ne subnascatur eò occasio privilegiatis respuendi tandem penitus obsequium Im-

(a) Vid. *Ejusd. Capitulat. Art. 5. vers.* Wollen auch nicht gestatten.

(b) Conf. huc cit. nostram Dissertat. de *Jur. exequ. in Imp. Cap. 3. §. 6. not. 2. pag. 27.*

(c) Per *dicta Capitulat. Art. 10.*

Imperatori & Imperio debitum, (a) quod, ne fiat, eò sollicitius cavebunt Imperatores Augustissimi, cum meminerint, dici Se semper Augustos, id est, secundum sensum, quem usus & Politica ratio eidem indidit, Amplificatores Imperii & Regni Germanici; & Se esse Caput Imperii, quod in membra haud grafatur, sed eò nervos omnes intendit, ne dum hisce male sit, sit & sibi male: quod quidem Officium cum tantâ religione adimpleat Augustissimus noster CAROLUS VI. non est, ut plura addamus.

§. XXXII.

Quando & 2. promittit Imperator Augustissimus, velle Se temperare Sibi à scribendis Privilegiis, quæ sint adversa derogentve Statuum Imperii (quorum sub numerò comprehendi quoque debeant immediati Nobiles,) Regalibus, Superioritati, Immunitatibus, Privilegiis, Unionibus ad præscriptum Legum Imperii initis, præsertim Electorum aliorumque Statuum Confraternitatibus, Oppignorationibus Imperii secundum Instrumentum Pacis, Juribus, Observantiis & legitimis Consuetudinibus, quas habuere aut exercuere hætenus terrâ marique aut in fluminibus &c. (b) Interest enim tum ipsius Imperatoris Augustissimi, ut non eò usque suam in Imperio auctoritatem is protendat, a) ne moti tali exemplo Ejusdem in Regimine Successores pari libertate usi & indultorum ab Eò Privilegiorum rationem non habeant & contraria iis tribuant aliis, detrahantque præsertim β) eximiiis planè hæreditariarum ditionum Renorumque Suorum immunitatibus. Tum verò vel maxime interest Statuum, ne, quæ Majores aut Prædecessores Sui vel per bene merita, vel etiam titulò onerosò Sibi quæsierunt Jura singularia, semper sint in incertò, & rescindi possint iisve derogari absque ratione, quandocunque id placuerit Imperatori Augustissimo.

D 2

§. XXXIII.

(a) Add. *idem Art.*

(b) Prospicitur hisce in *noviss. Capitulat. Art. 1.*

## §. XXXIII.

In specie verò publicam fidem facit Imperator Augustissimus, Se non indulsum esse cuiquam Privilegia I. circa Monopolia, sive sint Mercatores, sive Opifices, Artificesve, aliive, quorum negotiationes & commercia influunt in vitam communem, quocunque nomine ea veniant. (a) Scilicet fenestras pandere hujus generis Privilegia fraudibus & deceptionibus, proximo, unde sibi honestâ ratione quærat victum & amicum præripi atque viam intercludi; aliisque modis gravissimè contrà Officia humanitatis, Reipublicæ salutem, & præcipuè contrà incrementum commerciorum communiter peccari est in apicò.

## §. XXXIV.

Nec 2. quoque impertiturum Se cuiquam esse pollicetur Augustissimus, Literas promotoriales, Mandata, vel Privilegia, quibus ut eorum latores sunt immunes à Vestigalibus aliisque, quæ à transeuntibus exigere fas est, oneribus Idem præcipiat. (b) Ita enim Imperator Augustissimus à Se vel Suis in moderan-

(a) Evolve *Ejusd. Art. 7.* Num verò & eò referemus Privilegia impressoria concessa Bibliopolis? Videbatur dicendum, quod sic, cum verba dicti Articuli hæc sint: *Es geschehe solches bey Kauff, Handel/ Manufacturen/ Künsten/ und andern in das Policey. Wesen eintausfenden Sachen/ oder wie es sonstn Rahmen haben möge.* Vero tamen similis nobis videtur contrarium, cum non ex eò solum tempore, quò condita est novissima Capitulatio, frequentissimè largiri Imperatorem hujusmodi Privilegia constet, sed & hoc sit certum, neminem Statuum unquam contrà id movisse aut conquestum esse aliquid. Immo cum Status Imperii Ipsimet admodum sæpè valitura Suis in Territoriis Privilegia impressoria Bibliopolis scribant, quod Sibi Suis in Territoriis licitum esse statuunt, idem & Imperatori Augustissimo universò in Imperiò interdictum haud esse censere Eos necesse est.

(b) Consule *CAROLINÆ Capitulat. Art. 8. vers. Und nachdeme vormahls die Churfürsten.*

derandò Imperiò Antecessoribus, non, nisi gravissimâ de causâ indulta teloniorum Privilegia antea jam onerata, magnâ ex parte Ipsemet redderet inutilia & impingeret ita in fidem, quam dedit, publicam Juramentò quoque firmatam, quod adversa Statuum Juribus immunitates cuiquam nolit tribuere.

### §. XXXV.

3. Spōdet & Imperator Augustissimus, Se non exemptum fore quocunque sub titulò vel colore Juris, sive directi dominii sive aliò Statuum Imperii Landsässios, Subditos mediatos immediatosque, aut qui aliâ ratione modoque iisdem sint devincti ab Eorum Superioritate, Imperio atque Jurisdictione, oneribus item & præstationibus publicis, Collectis, decimis, quasque aliis sub nominibus jure ab iisdem poscunt exactionibus, (a) cùm hoc ipso imminueretur vel maximè Statibus utile Suum dominium, quod ne de Jure feudali Longobardico quidem Domino directo est permissum, multoque minus de Jure feudali nostri Imperii publico.

### §. XXXV.

Denique & 4. ultimo loco Imperator promittit, nolle Se quemquam, cujuscunque demum Ordinis is fuerit, in præjudicium aut diminutionem Familiarum antiquiorum augere vel iisdem planè aliis Domus, vel aliis novis Eidem tamen damnum inferentibus Dignitatibus, Titulis, Insignibus & Elogiis. (b) Hinc plerisque Imperatoriorum Privilegiorum codicillis clausulam hanc vel similem inditam esse cernimus: Doch andern die vielleicht die vorgeschriebene Wappen und Kleinodien/ (aut pro rei diversitate: Titul &c.) gleich führten/ an denselben ihren Wappen/ (Tituln) und Rechten unvergriffen und unschädlich. Sunt enim hæc omnia ejus generis Jura & Prærogativæ, quæ ut facta testaque sanctè servantur, modis quam

D 3

(a) Vid. *Eandem. Art. 15.*

(b) De hoc disponit *Ejusd. Art. 22. vers. 1.*

plurimis possessorum refert. Landsassii e. gr. si iusto maioribus Dignitatum gradibus ab Imperatore ornentur, plerumque in fraudem Domini Territorialis, Ejusque in Se Superioritatis id abuti tot Exempla Statuumque querelæ comprobant. Ex Titulis verò & Insignibus cum sæpissimè maximi ponderis Prætensiones, Prærogativæ aliaque hujus generis pendeant, iterum ad hæc salvanda, & vitandam confusionem cautelâ tali opus est. Adde, quod & tractu temporis maximè perniciosus fieri possit alteri partium eorundem Insignium atque Titulorum usus, cujus exempla, cum volventibus Acta & Historiam Imperii oblatura se sint plurima, immò & sint odiosa nonnunquam, hinc tetigisse nobis ea in genere modò sufficiat.

## XXXVII.

Et sic jam iterum delineatâ paucis ex ipsis Juris nostri publici genuinis fontibus, Legibus Imperii scilicet, Potestate Imperatoris Augustissimi circa Concessionem Privilegiorum calammum vel tandem ponimus, conceptoque pio voto Inaugurales hæc Theses finimus atque obsequamus. Vivat, & quem aliis citius perfecerunt Gratia, EUNDEM quam diutissimè nobis non invidcant Parca, coelo quasi delapsum Imperatorem Augustissimum CAROLUM VI.

- - - *Gaudet quò Principe mundus;*

*Quem populi, quem Regnatiment, quem Solis ab ortu  
Solis ad occasum submisso vertice cuncti*

*Suspiciunt, dominumque simul Regemque fatentur:*

*Nec solum nostri facile qui temporis omnes*

*Prægreditur virtute viros, sed cuncta retrorsum*

*(Pace loquar veterum) cedunt cui nomina Regum. (a)*

(a) Paucis aliquantisper immutatis reperies hæc in GUNTHERI *Ligurino*  
*Libr. I. vers. 25. sqq. p. m. 2.*

Ne pagella præsens existeret vacua, subjicimus adhuc aliqua-  
dam, Privilegia Imperatoria respicientia

**COROLLARIA.**

1. Privilegiorum Imperatoriorum codicilli subscribuntur primò ab Ipso Imperatore Augustissimò; Secundò ab Ejus Regni Archi-Cancellariò, cujus intrà fines commemorat, qui condecorari Privilegiò meruit: ita si Germano Privilegium scribi curavit Augustissimus, Subscriptio ejus spectat ad Electorem Moguntinum, tanquam Germanici Regni Archi-Cancellarium, aut Eò absente ad Ejusdem, quem sustentat in Aulà Cæsareà, Vice Cancellarium; Italo si Privilegium tribuatur, recognoscitur id ab Ejus Regni Archi-Cancellariò, Colonienfi Archiepiscopò, quò non præsentè Imperialis Aulæ Cancellarium munere hoc defungi constat ex adductis ab Excell. Dn. PFEFFINGEROL. c. *Tom. I. Tit. 14. §. 5. not. c. p. m. 1070. 1071.* Diplomatoribus. Per Gilliam & Regnum Arelatensem denique si Privilegia largiatur Imperator Augustissimus, cura Subscriptionis spectat ad Horum Regnorum Archi-Cancellarium, Trevirensè Archiepiscopum, Ejus verò in absentia itidem ad Imperatoris Aulæ Cancellarium, cujus rei Documenta exstant apud EUNDEM l. c. §. 4. not. c. p. m. 1050. cui jungendus est omninò BERNHARDUS à MALLINCKROT in *Tr. de Archi-Cancellar. S. Rom. Imp. Part. II. p. m. 112. &c.* Tertio denique locò eo-  
que infimò, comparat & Subscriptio alicujus eorum, qui, nisi fallor, Imperatori sunt ab Epistolis secretis, cui scilicet in mandatis id dedit Imperator Augustissimus.

2. Diploma ita subscriptum sigillatur quoque & quidem à Taxatore Imperialis Cancellariæ, cui ex Ferdinandi I. Imperatoris Statutò in *Seiner Reichs-Hoff-Cantzey-Ordnung* de Ann. 1559. rubr. *Sonderliche Articul Unserer Taxators Ambt und Dienst betreffen* §. Darauff dann gemeinder incumbit: *Dass er alle hohe-Regalien / Lehen / was Eurtz / Fürsten / Fürstenthümfigen gegeben / auch grosse Haupt-Verfchreibungen / Adels und andere Freyheiten mit Unserm (Kaysers) grossen / aber deren von Adel / Lehen / Wappen- und andere geringe Gnaden-Brieff mit unserm mittlern Insignel besiegte* teste Jo. GUILIELMO ILLERO de *Fendis Imper. Cap. 11. §. 2. p. m. 597.* Et quidem imprimitur hoc Sigillum ceræ rubræ, quòd si tamen id petierint in rebus gravioribus ornandi privilegiò, & exsolverint præterea 40. Ducatos pro materià, & 6. alios pro confectiòne, adhiberi etiam sigillum autem Ill. Dn. SCHWEDER l. c. *Part. Gen. Cap. 2. §. 1. p. m. 14.* aliquæ tradunt, Exemplisque vetustioribus æquè ac recentioribus hoc firmat Excell. Dn. PFEFFINGER l. c. *Tit. 2. §. 13. not. b. p. m. 257.*

3. Impe-

3. Inserta sæpius Imperatoris Augustissimi Diplomatis clausula: und sich desß alles ( antea percensitorum Jurium singularium ) in allen und jden ehrlichen / redlichen / adelichen / und ritterlichen Sachen und Geschäften zu Schimpff und Ernst / in Etümen / Streiten / Schlachten / Kämpfen / Ehorniren / Bestechen / Ritterspielen / Befehlen / Feld-Zügen / Panieren / Gezelten Aufschlagen / Innsigeln / Witschaften / Kleinöthen / Gemälden / Begräbnissen / und sonst an allen Orten und Enden / nach ihren Ehren / Nothdurfften / Willen und Wohlgefallen gebrauchen sollen und mögen. &c. num id operetur , ut usu etiam longò tempore intermissò ipsum tamen Jus non pereat? Cùm ex nobis nuper quæreretur , affirmavimus , & sententiam hanc nostram in instanti quoque pugnâ Academicâ tuebimur.

4. Imperator Augustissimus , quod creatis noviter Nobilibus defectum generis , ( der 4. 8. 16. oder 32. Ähnen ) possit supplere , habilesque eos pronuntiare , qui ad Canonicatus , Torneamenta , Feuda &c. tot Avos & Proavos requirerentia admitti debeant , omninò existimamus , nisi tamen & hos discretè exclusos , nec ulli fictioni locum esse Fundator aut Capitulorum , &c. Leges voluerint ; cujus rationes , cùm pagina nos deficiat , conscripti servatas volumus.

S. D. G.

EXPLICIT.

*Pag. 13. lin. 19. lege Personarum. Pag. 14. lin. 2. verb. medietas* subijce Not. (b) Confer tamen §. 29. pag. 25. *Pag. 17. not. a. add.:* Quod cùm ita sit , principium petit JACOBUS BRUNNEMANNUS in *Exam. Jur. publ. Libr. II. Cap. 11. qu. 8. num. 5. p. m. 50.* dum ex cò , quod hinc inde de factò Principes id Sibi arrogant , concludit : Ergò Imperatorem ex merâ permissione Jus nobilitandi exercere in territoriis Statuum. *Pag. 26. not. c. add. Referuntur communiter hunc in censum ab Imperatore Rudolpho. Habsburgico Feudis quibusdam Imperii Italicis scripta privilegia & immunitates , eoque nomine communiter* Is malè audit Scriptoribus Juris publici & Historicis , adeò , ut & JCTus Pragâ Bohemus , quod miror , ADAMUS PISETZKY à KRANICH-FELD de *Stat. Secular. Cap. 1. p. m. 126.* hoc ex capite Juramenti oblivionem Eidem objiciat , cùm tamen vel solum illud Diploma , quod JACOBUS SPÆGELIUS in *scholiis ad Enea Sylvii Comment. in Anton. Panorm. de diff. & fact. Alphons. Reg. Arrag. p. m. 286.* in formâ extensâ sistit Imperatorem optimum libertate ab hoc crimine potuisset , cujus patrociniū quoad magnum Ducatum Florentinum , qui maximè objicitur , Ipsi suscipiemus in *Vindiciis Juris Imperatorii in Ditiones Florentinas* , quas Editioni jam paramus.